



Tla partida cuntra le Perca é en autogol di ladins che ti scinca la devënta ai avversars.
Protagonist ince le mandl fosch che perd completamënter le control dla partida.

Do la burta batosta dl'ultim fin dl'edema s'á i sogadus da La Val tut dant de reagì cuntra le Perca. A livel de jüch era ince intant garatada, mo a fa en gol se stënta le ünesc da La Val dasënn. A bók sotvalutëia le Perca i padruns de ciasa che ti prüms vint menüc süga bun le palé. Ala cherd'ora röia Matti sú dan le portier, pro la trata bassa, mo mëss ciaré pro sciöche le palé röia de püch dlungia ia. Atira do tira Alex E. De puniziun sëch cuntra l'incrujiada de porta, le portier dl Perca é reatíf y mëss se destrá por desfanté la trata. A bók devënta ince le Perca prigorús, Sön les trates dal ciantun á Sepl en gran laur te porta, mo intres esun bugn de tigní i atacant dalunc dala porta de ciasa.

Tla secunda pert comana le nervosism. A contibuí a chësc é tra i atri ince l'arbiter, a chël che al ti sciampa la direziun dla partida fora dles mans. A chësta maniera fej le mandl fosch súa pert pro le vantaje dl Perca. Al 80[^], do ne avëi nia sciuré en fal evidënt por le La Val röia le cuntrapé al limit dl'area ladina daulache l'arbiter ne sighita nia a sciuré na puniziun por le Perca. La trata de puniziun pro de gni delota dan sogadú ladin, che stachëia y deviëia le curan te súa porta. Dal'atra pert pro ciamó Stefan da crosé amez por Alex E., che röia a tra indere sura porta fora. Nia da nen fa, le La Val mëss indo mët ia na burta pordüda, sënza en gol dl La Val.

La Val - Percha 0-1

Formaziun: 1. Sepl Kantioler, 2. Natan Colletta, 3. Simon Campeï, 4. Paolo Vallazza, 5. Alan Ellecosta (dal 60^a Marco Miribung), 6. Alex Ploner (dal 80^a Alexander Complojer), 7. Christian Terza, 8. Stefan Sottara - capitan, 9. Alex Elzenbaumer, 10. Mattia Mutschlechner, 11. Alex Rubatscher (dal 65^a Philip Moling)

Alenadús: Patrick Costabiei y Albert Castlunger

Proscima partida: In vëndres dales 20:00 a Rodenech cuntra le Gitschberg

Atri resultat

Altherren (La Val): La Val - Wiesen 3-2

Allievi (Val Badia): Val Badia - Taufers 3-3

Giovanissimi (Mareo/La Val): Schabs - Mareo 4-1

U-12 (La Val): La Val - Ahrntal 0-13

U-10 (La Val): La Val - Mühlwald 1-0